



Na osnovu člana 57. Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 9/24 i 16/24) i Odluke o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite - Podrška projektima iz oblasti zaštite i spašavanja od prirodnih i drugih nesreća, broj: 03-02-51-1232/2024 od 26.08.2024. godine, Kantonalna uprava civilne zaštite Unsko-sanskog kantona raspisuje:

JAVNI POZIV

za dodjelu sredstava za projekte iz oblasti zaštite i spašavanja od prirodnih i drugih nesreća

I PREDMET JAVNOG POZIVA

Predmet Javnog poziva je sufinansiranje kapitalnih projekata iz oblasti zaštite i spašavanja od prirodnih i drugih nesreća u skladu sa članom 183. stav (3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10) i tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 04/12, 80/13 i 20/20) koji su dijelom sufinansirani sredstvima posebne naknade za zaštitu od prirodnih i drugih nesreća putem Kantonalne uprave civilne zaštite.

II USLOVI UČEŠĆA

Pravo učešća

Pravo učešća na Javnom pozivu jedinice lokalne samouprave Unsko-sanskog kantona.

Finansijska sredstva

Maksimalna vrijednost finansiranja u okviru ovog Javnog poziva, po svim projektima/zahtjevima/inicijativama, iznosi do 80.000 KM.

Maksimalan iznos sredstava koji se može dodijeliti za jedan projekat je 12.000,00 KM.

Sredstva se ne mogu dodjeljivati za završene projekte.

Broj prijavljenih zahtjeva

Jedan podnositelj zahtjeva može dostaviti više od jednog zahtjeva u okviru ovog Javnog poziva. Za svaki projekat/zahtjev/ se podnosi posebno projektni prijedlog, dok se dokumentacija može dostaviti u jednom primjerku.

Opći kriteriji

Za dodjelu sredstava za projekte iz oblasti zaštite i spašavanja od prirodnih i drugih nesreća primjenjuju se sljedeći kriteriji:

- a) da je cilj projekta je provođenje preventivnih mjera za zaštitu od prirodnih i drugih nesreća,

- b) da su u Budžetu općine/grada planirana sredstva za provođenje preventivnih mjera zaštite i spašavanja od prirodnih i drugih nesreća,
- c) da su u Programu razvoja zaštite i spašavanja ljudi i materijalnih dobara od prirodnih i drugih nesreća i Planu zaštite i spašavanja grada/općine utvrđene preventivne mjere zaštite i spašavanja od prirodnih i drugih nesreća,
- d) da su Godišnjim planom korištenja sredstava posebne naknade za zaštitu od prirodnih i drugih nesreća općine/grada planirana sredstva za provođenje navedenih preventivnih mjera zaštite i spašavanja,
- e) da općina/grad dostavi podatke o visini sredstava posebne naknade za zaštitu od prirodnih i drugih nesreća ostvarenih u prethodnoj kalendarskoj godini (finansijski dokument iz kojeg se jasno vidi ostvaren priliv sredstava).

Posebni kriteriji

Općine/gradovi koji ispunjavaju opće kriterije rangiraju se prema posebnim kriterijima i to:

- a) ako je priliv sredstava posebne naknade za zaštitu od prirodnih i drugih nesreća u općini/gradu, a koji pripada općinama/gradovima:
 - 1) manji od 30% - pet bodova,
 - 2) između 30% i 50% - tri boda,
 - 3) veći od 50% - dva boda.
- b) ako su planirana sredstva u budžetu općine/grada za provođenje preventivnih mjera zaštite i spašavanja od prirodnih i drugih nesreća (bez sredstava posebne naknade):
 - 1) veća od 30% od vrijednosti projekta - pet bodova,
 - 2) između 10% i 30% - tri boda,
 - 3) manja od 10% - dva boda.
- c) ako je projekti provođenja preventivnih mjera zaštite i spašavanja:
 - 1) ukupne vrijednosti do 10.000,00 KM - jedan bod,
 - 2) ukupne vrijednosti od 10.000,00 - 50.000,00 KM - dva boda,
 - 3) ukupne vrijednosti od 50.000,00 - 100.000,00 KM - tri boda,
 - 4) ukupne vrijednosti preko 100.000,00 KM - četiri boda.

Dokumentacija koja se treba dostaviti prilikom prijave projekta

Prijava za dodjelu sredstava podnosi se na posebnom obrascu koji se preuzima sa web stranice Uprave, www.czusk.ba, ovjerenom i potpisanom od strane odgovorne osobe i koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
- b) naziv projekta,
- c) opis projekta,
- d) ukupan budžet projekta i izvore finansiranja,
- e) očekivane rezultate,
- f) projektne aktivnosti po fazama i vremenski okvir,
- g) učesnici u realizaciji projekta,
- h) detalje o sufinansiranju,
- i) instrukcije za uplatu sredstava.

Uz prijavu (projektni prijedlog) podnosioci su dužni dostaviti slijedeću dokumentaciju kojom dokazuju ispunjavanje uslova, u originalu ili ovjerenoj kopiji (ovjera ne smije biti starija od 3 mjeseca):

- a) akta nadležnog organa općine/grada o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća,
- b) akta nadležnog organa općine/grada o usvajanju Plana zaštite i spašavanja od prirodnih i drugih nesreća,
- c) akta nadležnog organa općine/grada o korištenju sredstava posebne naknade za zaštitu od prirodnih i drugih nesreća za provođenje navedenih preventivnih mjera zaštite i spašavanja,
- d) akta nadležnog organa općine/grada o korištenju budžetskih sredstava grada/općine za provođenje navedenih preventivnih mjera zaštite i spašavanja,
- e) godišnji plan korištenja sredstava posebne naknade za zaštitu od prirodnih i drugih nesreća,
- f) izvještaj RAS-008-Raspodjela javnih prihoda na korisnike - B2 za prethodnu godinu iz kojeg je vidljiv ukupan priliv sredstava posebne naknade za zaštitu od prirodnih i drugih nesreća,
- g) projektni prijedlog i predmjer radova gdje su jasno naznačeni izvori finansiranja projekta.

III NAČIN I ROK ZA PODNOŠENJE PRIJAVA

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu. Prijave sa potrebnom dokumentacijom dostavljaju se neposredno na protokol Vlade Unsko-sanskog kantona ili preporučeno putem pošte, na adresu :

Kantonalna uprava civilne zaštite, ul. Alije Đerzeleza br. 2, 77 000 Bihać,

s naznakom

Prijava po Javnom pozivu

„Podrška projektima iz oblasti zaštite i spašavanja od prirodnih i drugih nesreća “

- NE OTVARAJ -

Na poleđini koverta obavezno napisati naziv podnosioca prijave i adresu

Rok za podnošenje prijave na javni poziv je **15** dana od dana objave Javnog poziva.

Neće se uzimati u razmatranje prijave koje su dostavljene nakon isteka roka određenog Javnim pozivom (neblagovremene).

Prijave koje su pristigle u traženom roku, ali koje nisu kompletno popunjene i koje ne sadrže traženu dokumentaciju, bit će odbačene i neće biti predmet razmatranja.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu.

IV OCJENA PRIJAVA

Dostavljene prijave na Javni poziv razmatra Komisija od 3 člana koju rješenjem imenuje direktor Uprave.

Komisija vrši:

- a) analizu ispunjenosti formalno-pravnih uslova dostavljenih prijava u skladu sa Javnim pozivom, odnosno provjeru blagovremenosti i kompletnosti dokumentacije dostavljenih prijava,
- b) provedbu procesa bodovanja prijava koje ispunjavaju formalno-pravne uslove,
- c) izradu Izvještaja o provedenom postupku po Javnom pozivu za dodjelu sredstava

sa prijedlogom liste uspješnih projekata, kojeg putem protokola dostavlja direktoru.

Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koji ne ispunjavaju formalno-pravne uslove i ne nalaze se na predloženoj listi uspješnih projekata za sufinansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog Izvještaja Komisije sa prijedlogom liste uspješnih projekata, direktor utvrđuje konačnu rang listu projekata odabranih za sufinansiranje, koja se objavljuje na web stranici Uprave, www.czusk.ba.

Kriterij za utvrđivanje konačne rang liste projekata je ostvareni broj bodova na Javnom pozivu i iznos raspoloživih sredstava za sufinansiranje.

VI ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima, čije prijave budu odobrene za sufinansiranje, zaključit će se ugovor kojim će se urediti uslovi i način korištenja dodijeljenih sredstava, način praćenja namjenskog korištenja dodijeljenih sredstava, dokumentacija koju je korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodijeljenja sredstva, po usvajanju Programa utroška od strane Vlade Unsko-sanskog kantona doznacavaju se na račune korisnika.

VII OPĆE ODREDBE

Za sve dodatne informacije zainteresirana lica mogu se obratiti do 8 dana prije zatvaranja Javnog poziva, i to putem maila: czbihac@bih.net.ba

Prijavni obrazac za dodjelu sredstava za podršku projekata iz oblasti zaštite i spašavanja od prirodnih i drugih nesreća nalazi se na web stranici Uprave, www.czusk.ba

Broj: 15-11- 13086 /24

Datum: 29.10. 2024. godine

